

## **EH Bildu talde politikoa**

Grupo político EH Bildu

Ijentea, 1 - 20003 Donostia

Tel. 943481027 eh\_bildu@donostia.eus— [www.donostia.ehbildu.eus](http://www.donostia.ehbildu.eus)

## **KONTROL MOZIOA**

### **Anoeta kirol-gunea berritzeko inbertsioak kudeatzeko sozietate publiko bat sortzeaz**

EH Bildu udal taldeko zinegotzi Reyes Carrere Zabalak mozio hau aurkezten du Udalbatzaren Organo Araudiko 98. artikulua oinarri hartuta, Udalbatzan azter dadin. Mozioaren oinarria 2023ko martxoaren 20an Zerbitzu Orokorren Batzordean aztertutako interpelazioan dago.

## **JUSTIFIKAZIOA**

Otsailaren 13an, María José Tellería Etxeberriak, Gipuzkoako Kirol Departamentuko diputatuak, EH Bildu taldeak Gipuzkoako Batzar Nagusietan egindako galdera batzuei erantzunez, lurraldeko kirol azpiegiturei buruzko informazioa eman zuen.

Erantzunetan, Anoetako kirol-instalazioen etorkizunari buruzko informazio interesgarria dago. Izan ere, Kirol diputatuak adierazi zuen Donostiako Udalari proposatu ziola batzorde bat sortzea kirol hiri horren hobekuntzarako esku hartzeko behar eta aukerak aztertzeko. Hala ere, Donostiako Udal Gobernuak ez da Kirol Sailarekin harremanetan jarri batzordearen proposamena aztertzeko, nahiz eta horretarako gonbidapena jaso. Anoeta kirol-hirirako proiekturik ere ez du inoiz aurkeztu.

Erantzun horrek harritu egin gaitu; izan ere, 2022ko urriaren 25eko ezohiko udalbatzarrean onartutako ebazpenetako baten lehen puntuan, Udal Gobernuari eskatzen zaio, hain zuzen ere, antzeko foro bat aktibatzeko:

*“1.- Donostiako Udalbatzak Eusko Jaurlaritzari eta Gipuzkoako Foru Aldundiari eskatzen die, Udalarekin batera, sozietate publiko bat sortzen parte har dezatela, Anoeta Kirol Hirian dauden kirol eta kultura azpiegiturak berritzeko eta modernizatze beharrezkoak diren inbertsioak kudeatzeko, eta garatu beharreko jardueren finantzaketan ere parte har dezatela.”*

Beraz, Aldundiko Kirol diputatuak emandako informazioa ikusita, eta hori urriko ezohiko udalbatzarrean onartutakoarekin bat ez datorrenez, uste dugu funtsezkoa

## **EH Bildu talde politikoa**

Grupo político EH Bildu

Ijentea, 1 - 20003 Donostia

Tel. 943481027 eh\_bildu@donostia.eus— [www.donostia.ehbildu.eus](http://www.donostia.ehbildu.eus)

dela Udal Gobernu berehala hastea harremanetan Gipuzkoako Foru Aldundiarekin erakunde arteko hitzarmen baten oinarriak lehenbailehen ezartzeko.

Horri buruz batzordean interpelatuta, alkateak Anoetako zenbait kirol-instalazio birmoldatzeko egin diren urratsak azaldu zituen. Bere hitzetan, agintaldi hasieran, Denis Itxasorekin, garai hartako Gipuzkoako Foru Aldundiko Kultura eta Kirol diputatuarekin, hizketan hasi zen gai horri heltzeko. Biek lantalde bat osatzea erabaki omen zuten Anoetako egoera aztertzeko, baina elkarrizketa horiek eten egin omen ziren Itxasok 2020ko otsailean kargua utzi zuelako eta hilabete geroago pandemia hasi zelako.

Alkateak esan zuen, halaber, 2022an gai honen inguruko elkarrizketei ekin zela berriro ere, oraingoan Markel Olano Gipuzkoako diputatu nagusiarekin. Eta, Eusko Jaurlaritzarekin batera, erakunde publiko bat sortzeko aukera aztertzen ari direla-oraindik zehazteke- Anoetako instalazio batzuen birmoldaketa kudeatzeko, premia larrienak identifikatzeko eta lehentasunak zehazteko, behar den inbertsio ekonomikoa oso handia baita. Zehazki, Atano III.a, Belodromoa, Illumbe eta miniestadioa aipatu zituen.

Alkatearen erantzuna zehazgabea izan zen. Ez zuen argitu, gainera, zergatik batzartu zen agintaldi hasieran Gipuzkoako Foru Aldundiko Kirol zuzendariarekin eta orain, aldiz, ez duen beharrekotzat jotzen. Halaber, ez zuen adierazi zer gertatuko den zaharkituta geratu diren beste instalazio batzuekin; hala nola, Gascarekin.

Hori dela eta, jaso ditugun erantzunek zalantzak sortu dizkigute ia gobernuak anbizio nahikoa ote duen Anoetan kirol-paradigma berri bat ezartzeko, instalazio batzuk birmoldatu beharrean. Izan ere, beharrezkoa da XXI. mendeko kirolaren beharrei modu integralean heltzea, eta kirol-ikuspegi berri hori sendotzeko, eta kirol modernoaren ildo guztietako beharrak asetzeko, ezinbestekoa da hiriko kirol-eragileen parte-hartzea. Guztion artean Donostiako kirolaren etorkizuneko erronken azterketa integrala egiteko eta etorkizuneko erronkei bermeekin aurre egin ahal izateko.

Horregatik, behean sinatzen duen zinegotziak honako KONTROL MOZIO hau aurkezten du:

## **EH Bildu talde politikoa**

Grupo político EH Bildu

Ijentea, 1 - 20003 Donostia

Tel. 943481027 eh\_bildu@donostia.eus— [www.donostia.ehbildu.eus](http://www.donostia.ehbildu.eus)

- Donostiako Udalbatzak hertsatuki eskatzen dio Udal Gobernuari Anoetako kirol-gunea birmoldatzeko inplikaturata egon daitezkeen administrazio publikoetako sailekin lankidetzan aritzeko, gune horretako kirol-instalazio guztien birmoldaketa modu integralean jorratuko duen erakunde publiko bat sortzeko.
- Donostiako Udalbatzak hertsatuki eskatzen dio Udal Gobernuari behar diren bitartekoak jar ditzala hiriko kirol-eragileek (federazioak, klubak, elkarteak eta kirol-enpresak barne) parte har dezaten, inplikaturako administrazioekiko lankidetzan, Anoetako kirol-gunea ebaluatzeko, etorkizuneko beharrak aztertzeko eta berreraikitzeko prozesuan.
- Donostiako Udalbatzak hertsatuki eskatzen dio Udal Gobernuari Donostiako kirol-eragileekin batera Anoeta kirol-hiri bihurtzeko proiektu integral bat landu dezala, non, besteak beste, eraberritze-lanak behar dituzten Anoetako kirol-instalazio guztiak, premia larrienak eta beharrezko inbertsio ekonomikorako lehentasunak identifikatuko diren.
- Donostiako Udalbatzak hertsatuki eskatzen dio Udal Gobernuari Anoeta kirol-hiria kudeatzeko gestio plan bat aurkez dezala, hiriko kirol eragileekin elkarlanean egina, etorkizunean Anoeta hiriko motor sozioekonomikoa izan dadin eta nazioarteko erreferentia izan dadin eskola-kirolean, federatu mailan, goi-mailakoan, aisialdian eta jarduera fisikoan.
- Donostiako Udalbatzak hertsatuki eskatzen dio Udal Gobernuari aldiro informatzeko Donostiako kirol entitateei eta Udalbatzako talde guztiei Anoetako kirol guneko instalazioak birmoldatzeko proiektuan egiten diren urrats eta aurrerapenei buruz.

Donostian, 2023ko martxoaren 23an

Reyes Carrere Zabala



**EH Bildu talde politikoa**

Grupo político EH Bildu

Ijentea, 1 - 20003 Donostia

Tel. 943481027 eh\_bildu@donostia.eus-- [www.donostia.ehbildu.eus](http://www.donostia.ehbildu.eus) -

EH Bildu udal taldeko bozeramailea